

中國方志叢書·華中地方·第二三六號

據

清·黃桂修，宋驥纂
清康熙十二年修光緒二十九年重刊本

影印

安徽省

太平府志



成文出版社有限公司印行



藏書
20104

8920105

中國方志叢書·華中地方·第二三六號

據

清·黃桂修·宋驥纂
清康熙十二年修光緒二十九年重刊本

影印

安徽省

太平府志



成文出版社有限公司印行



10094213

中華民國六十三年十二月臺一版

太平府志

全二冊

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

敬遵康熙原本

太平府志

光緒二十九年
用活字板重印

重印太平府志序

太平者通洛之丹陽宋之姑孰
歷代之名勝也惟郡之志詳自
前明至

國朝康熙乾隆後踵修之凡夫
疆域之形勢山川之秀麗人物

之奇偉圩塘之修葺閘津橋
梁之建置祀典學校之興廢
以及職官選舉歷代宦績與
行孝義隱逸事蹟暨藝文祥
雲具載郡志以可攷焉予於
辛丑冬奉

命簡守是邦迨次歲壬寅夏四月

下車伊始採風問俗考其山川
其疾苦探閱郡志僅庫存康熙
間舊志一部為半缺舛詢
郡人士均以兵燹板為灰燼書
無遺存來告予亟召諸紳語

以志者誌其詳也若一遺失
又何以徵獻何以考疆域何以
藉典制何以遵則往者何所聞
來者何所紀而褒美獎善之
典無所顯闡徵揚幽之舉無所
與聞郡之憲章亦無從祖述

也於教化風俗所關者尤甚鉅焉
能不修哉法紳曰不惠無書而
惠無款歲雖豐而商賈散郡
雖安而人民告詭紳視予有
難色復有以聚陳續印為請者
予既前皖南道袁公捐修府

署文廟公款英洋五百元又
存公款本洋貳百元先為墊用
俟書成後交之紳分領每部
價本洋五元飭之紳散諸官紳
分領繳價款無失而志有成此
一舉而兩善備予序之曰可至

於採訪幽貞遺蹟顯揚孝義法
行增補而損益之當待後之君
子以及賢有司焉予不汝贅故
摺草誌於巔末曷亦序焉
云尔

光緒二十有九年歲次癸卯菊秋

欽加三品銜賞戴花翎前戶部山西
司郎中賞加一級

特授安徽太平府知府瀋陽周炳樸

太平府志序

今天下車書大一統矣侯甸要荒隸版圖贊玉帛者萬國烏可以無誌而誌未易備也誌外史也周禮外史掌四方之志其義何居蓋謂郡邑者京師之藩籬也星羅繡錯綿亘無窮而皆於畿甸有相維之義則志四方所以翼天室也自古江左形勝甲宇內丹陽郡其上游也南控楚疆北絡吳會山廻水抱厥土清剛故傑流蔚彥菁華互鍾夙稱文物輿區往予從銀臺出參黔藩順道揚舲攬牛渚蜩磯天門荻浦之概停繞者久之輒慕青蓮學士及靈澤夫人遺踪嘆勝跡之叠出於東吳者趾相接也恨不獲親駐其地而蒐

太平府志

續序

一

訂焉及辛亥冬予以候補少參改領姑孰案牘餘閒會督邦人士索閱郡乘諸子愕然曰郡志久湮一修於弘治丁巳憲副鍾城爲之再修於正德丙子秩宗祝鑾爲之茲未經纂定者百餘年文獻無徵里人之咎也予應之曰風之邈人玩之運會爲之化之盛人作之志氣爲之太郡領縣三自宋迄今首當塗而蕪湖而繁昌次之數百年涵育休養於

今爲盛若網羅放失俾予得藉手而

廷獻焉詎不美哉方聚族而謀虞譏築舍忽奉

今上皇帝俞輔臣一統全誌之請憲檄叠至竊幸繼茲而往集思廣益借是可覘士習驗國風矣獨念事以

時更人因俗易舊籍榛蕪已久而欲取百餘年未續之編增華補漏不其難乎爰分訂僚屬及紳衿諸子夙夜祇圖遐接近取不敢因陋就簡以逸所傳也故綜其大畧環郡之名山巨澤關梁爲一書堂廡祠廟爲一書鄉遂邱甲爲一書辟召薦舉諸科爲一書災異彗孛崩陟之屬爲一書忠孝節義以迄詩歌詞賦記序之類爲一書其事詳而核其旨微而彰環郡之掌故瞭若指掌矣其於古昔外史之職或有當乎外史成而纂之請裁于金馬石渠之彥收而藏之以達於

天府此古祕書省掌典籍圖書之制也帙將登矣予益兢

太平府志

續序

二

兢加茲焉復與僚屬紳士約曰郡志者傳書也信史也析疑請益必將曰爲可傳也爲可信也毋索隱而逞僻毋厭庸而嗜新毋飾美而濫譽毋嫉善而苛繩予與諸子矢心質之以期仰副

聖天子博輯嚴收之至意庶幾可告無罪耳方今

世祖章皇帝實錄告成已與弘璧天球並陳世寶茲復取

邦志而彙集之乙夜之餘用塵

睿覽毋俟省方清問如登萬民而親之衽席焉豈非典郡者述職之成書哉光昭圖史億萬斯年安得不拜手颺言而樂爲之序

昔

皇清康熙歲次癸丑菊月之吉參議改補江南太平府知
府加一級前通政司參議外轉貴州分守思仁道布
政司參議三韓黃桂撰

太平府志卷

續序

三

太平府志序

今

皇帝御歷以來自土中又萬方民大和會赫然下

詔書郡縣各修葺志乘不逾年而太平府首告竣太平府自禹貢分壤揚州沱周而有吳有越有楚千戈擾攘沿革亡常後漢六朝爲畿輔地隋唐及宋廼分三邑而元明因之

興朝改步吏習民安號稱太平良不虛已且太平固吳會之上游也左天門右平渚鐵甕直其東石頭枕其北於天文輿斗三度石中有言魁星明盛則王道和平將相同心今者

太平府志卷

卷一

一

大一統而中外承流非其奔哉抑不曰聖人有金城比物比志卽一郡中山川形勝何所巡監守令何賴戶口賦役何賴鄉賢名宦幾何等忠孝節烈幾何輩與夫關梁何守風俗何先星野幾祥何驗學校陵祠何廢何興藝文方伎何醇何駁凡有專城之責者不可不厝意焉而以鑑既往核方來志乘尤亟矣太平之有志也六朝以迄宋元若有若亡自洪武至嘉靖修之今又百五十餘年兵燹雖然文獻不足幾使金陵重鎮半沈於郭公夏五豈不深可慮哉幸

聖主重曜百度維新舉賢屬於其職而三韓黃州史出其武庫以任總裁當事者相與編纂而較定之洵

應炳瑞其在斯乎其在斯乎不敏率

簡書觀文南徵而因寓延陵觀樂之思流覽是志風教

備焉彼鍾學使之失煩祝藩司之失畧都無其累卽

文事以占

國運將興諸大夫登橫山而勒石臨長江而醴酒拜手

國言以賀太平瑞白今日始

大清康熙十二年癸丑中秋

賜進士出身提督江南通省學政按察使司僉事加一

級前戶部四川清吏司郎中兵部職方清吏司督捕

司員外主事加一級

欽差山東己酉科典試兩東虞二疏撰

太平府志卷

卷一

一

太平府志序

古列國皆有史如晉之乘楚之檮杌亦史書也自列國廢爲郡縣於是史之權獨領詳朝廷而郡縣以志稱志以備史之採擇故志詳而史畧粵稽歷代纂修國史往往取各郡志以爲張本郡無信志國何以有信史雖曰貞淫並列史示勸懲志則紀善不紀惡職褒不職貶然而郡乘之體非徒以識天時人事物產之異宜考戶口財貨賦役之消長稽山川城郭官舍廟祀之廢興而已其大者乃在於明政教之得失識人物之盛衰察風俗之升降舉忠臣孝子廉吏節婦凡一代奇偉之人與烈烈可傳之事例得大書特書

太平府志卷

序

於以正人心而崇獎道德則志雖職褒而勸懲具備抑有風教之事焉今太平古丹陽地密邇金陵據上游形勝轄邑僅三於江左爲小郡而山川蟠互科第蟬聯聲名文物之盛甲於吳會已久郡志一修於弘治鍾學使城再修於正德祝參政鑾議者謂鍾之失煩祝之失畧迄

今上御極之十有一年

聖天子有纂修通志之典前守黃公延訪宿儒詳加釐定美而不溢華而不浮機而不俚彬彬乎質有其文在蹟不患榛蕪舊章無憂泯沒矣辛巳冬予以曹郎出守是邦未數年士服先疇農安畎畝守者顧而樂

之而猶恐政令之未盡善教化之未盡孚也乃蒐郡

乘循環披覽其於建置沿革之故天文地理官常名物之類選諫博採原委井然至有關於政教人物之大端則尤三致意焉蓋政教者風俗之本也人物者風俗之倡也古今來忠孝貞廉節烈足以砥礪頹風維挽薄俗前之君子旣已表厥懿徽光昭國史俾觀者油然而勃然興起感發其與古先聖王旌淑別惡激濁揚清之意抑復何殊耶余承乏茲土其所爲治民人理繁劇蚤夜兢兢冀得少遑闕失亦推廣是書之旨借以潤色太平蓋文章之與政事用各不同而其源本則一也是書之神益治道豈淺鮮哉故拜手而

太平府志卷

序

弁數語於簡端以爲

盛朝黼黻休明之一助焉

皇清康熙歲丁亥桂月之吉

勅授中憲大夫知太平府事加三級高陽李敏迪撰

太平府志序

粵稽禹貢分列九州州紀其山川疆域咸則三壤而周禮職方氏因之於人民男女穀畜之數加詳焉是郡志所由昉也若夫東南靈淑擅自揚州六朝佳麗肇於建業故今太平古姑孰地界會城踞上遊勝槩予行部觀風竊覽其山川人物毓秀標奇洵文獻名區也環部諸郡以近志次第上者過半而太平仍踵百餘年前陳牒近代無傳焉索其故則曰姑孰羅明季軍燹後故老凋謝舊籍沈蕪長民者屢議續輯而有志未遑誠兢乎慎之也恭逢

興朝誕敷文教

太平府志卷

徐序

世祖章皇帝實錄告成旌

俞纂修通志之請煌煌寶錄等諸瑣瑣矣而外史弗飭奚以壯

皇圖垂永禩乎歲壬子予督秋闈畢懷承 憲檄董諸郡守集腋成裘從事汗青而繕竣獨先者惟太平郡志予樂觀其盛不可以無言則亦言其志之大綱而已矣如建置爲社稷之憑依其因革不可不志也戶口爲邦家之根本其登耗不可不志也人才爲朝廷之楨幹其盛衰不可不志也吏治爲民生之休戚其美刺不可不志也太平自

皇清綏定以來土宇版章踵舊制也宜志其因畝濬齒數

浮原頤也宜志其登升書射策亮天功也宜志其盛

戶封屋比軫氓依也宜志其美至於沿風窺雅則邇其正始觸目警心則攬其興亡其間名德義流才人淑媛或有捐軀殉難之忠或有刲股守墓之孝或如孔融之食果取小毋媿弟道或如共姜之栢舟靡他無忝母儀可砥鬻俗而振頽風者棲心茲編莫不昭示來許矣他如土物技能諸屬皆餘目也似可無志然仰遵

聖天子博採旁稽之至意遴而存之以備輶軒採擇焉是亦陳詩觀風者所必及也予不憚擊節陳詞以爲師帥人倫者勸

太平府志卷

徐序

耑

康熙歲次癸丑菊月江南等處承宣布政使司布政使三韓徐國相撰

太平府志原序

郡有志制也志太平者舊矣莫得而究其始也弘治丁巳一修於憲副鍾君城衍爲二十卷正德丙子再修於膳部鳴和祝君鑾約爲十卷歷十有三年爲嘉靖戊子西泉林侯鉞來守茲郡明年鳴和致大參政以歸二公有同年之雅議續前志然未果也越五年予訪鳴和於太平鳴和曰子知志所以修乎予應之曰夫郡古國也志古史也紀往微來有監之道焉監善而知勸監惡而知懲有訓之道焉仲尼嘆杞宋之無徵而悉意於春秋良有以也是故志與地以昭封志宮室以昭居志職官以昭治志學校以昭教志武

太平府志

原序

一

備以昭威志祠祀以昭報六事備而生物遂焉于是乎志食貨矣養既足而民日庶焉于是乎志人物矣性近習遠而德藝有等倫才同時異而選舉有高下此紀載者所當備也若夫因封以思守因居以思奠因治以思隆因教以思成威思振祭思誠養思充賦思均習思變選思公此有司者所當盡也是故志貴詳詳而不節其失也浮事貴覈覈而不精其失也誕胡然而監胡然而訓即此有司與紀載者均之有責焉耳矣誌可忽乎鳴和聞而喜曰善哉言也可以續吾志矣吾子其圖之乃言於林侯林侯復以爲善交贊力委義不容辭而勉從事是舉也主之者林侯輔

之者二守向公正三守李公從龍推府黃公仕隆而

張君一厚招君宗廣曹君贊乃令邑而共命者也諛隱蹟於耆黎究遺事於積牘察公是於閭閻而定論於鄉之大夫士悉取裁於鳴和舉善之集可謂詳而節覈而精矣雖然惕乾風夜比類屬詞求無媿于大邦不得罪于良史璧也則又曷敢不殫厥心哉嘉靖十年七月之吉九峯山人鄭璧書

太平府志

原序

二

太平府志原序

正德丙子歲前守周侯伯承重修郡志鑾僭執筆焉
迄今十有五年矣缺者當增後者當續訛者當正畧
者當詳冗者當刪不無有俟於後之君子也乃今侯
西泉林公與鑾有同年之雅間嘗語及志事欲修而
未果居無何九峰山人鄒子至遂設館於萬壽寺之
東明軒敦禮授簡於九峯焉九峯不得辭廼殫心力
窮晝夜稽載籍咨耆舊詢草野既罔不周矣乃酌古
定例提綱彙目具草以質於西泉公公曰善請終圖
之越三月而書成鑾閱之再則缺者增矣後者續矣
訛者正矣畧者詳矣冗者刪矣美而不溢華而不浮

質而不俚有古良史之風焉粵惟往年鑾修志時值
王程方亟草率就編或矯前之非而太過或執已之
見而未審至今思之不覺頗汗幸賴西泉公之功及
九峯子之力獲成新志用雪舊愆幸莫大矣或曰是
編也視舊體裁去取若相牴牾子之心無乃未安乎
鑾喟然歎曰天下之事所以不克同心協一俾底於
有成者各用其私焉耳矧夫志史也史公天下之書
也天下以爲是吾從而是之天下以爲非吾從而非
之吾惟求其當而已烏知夫山於已出於人也推是
心也可以理天下事矣奚啻志哉或者無以應而退
遂漫書以爲新志序

嘉慶十九年九月之吉前進士廣西布政司參政郡
人祝鑾序

修志文移

總督江南江西等處地方文武事務兼理糧餉操江
兵部左侍郎兼都察院右副都御史麻 爲遵

諭條奏事康熙十一年閏七月十五日准 禮部咨開儀

制清吏司案呈奉本部院禮科抄出該本部題覆少
師兼太子太師戶部尚書保和殿大學士加三級衛
奏前事等因康熙十一年七月初一日奏本月初六

日奉

旨這應進講書籍知道了餘着該部議奏欽此欽遵於七
月十一日到部除各部事宜應聽各該部議覆外該
臣等議得保和殿大學士衛 疏稱各省通誌宜修

太平府志

文移

如天下山川形勢戶口丁徭地畝錢糧風俗人物疆
圍險要宜彙集成帙名曰通誌誠一代之文獻也迄
今各省尚未編修甚屬缺典何以襄我

皇上興隆盛治乎除河南陝西已經前撫臣賈漢復纂修
進 呈外請

勅下直省各督撫聘集風儒名賢按古續今纂輯成書總
發翰林院彙爲

大清一統誌等因前來查直隸各省通誌關係一代文獻
除河南陝西二省已經前撫臣賈漢復纂修進

呈外其餘直隸各省通誌請

勅下各該督撫詳查山川形勢戶口丁徭地畝錢糧風俗

人物疆圍險要照河南陝西通誌款式纂輯成書到

部之日送翰林院彙爲

大清一統誌恭進

睿覽可也等因康熙十一年七月二十四日題本月二十

七日奉

旨依議欽此欽遵抄部送司奉此相應移咨案呈到
部移咨到部院准此擬合就行爲此牌仰該府官吏
照牌開准 部覆奉

旨內事理欽遵即詳查該府并轉行所屬州縣如山川形
勢戶口丁徭地畝錢糧風俗人物疆圍險要彙集成
帙送布政司照河南陝西通誌款式纂輯成書呈送

太平府志

文移

本部院暨 撫院查核訂政以憑咨送 禮部毋得
遲延玩視速須至牌者

康熙十一年閏七月十九日

巡撫安徽甯池太廬鳳滁和廣等處地方都察院右
副都御史加一級寶支一品俸斬 爲遵

諭條奏事康熙十一年閏七月十六日准 禮部咨開儀
制清吏司案呈奉本部送禮科抄出該本部題覆少

師兼太子太師戶部尚書保和殿大學士加三級衛
奏前事等因康熙十一年七月初一日奏本月初六

日奉

旨這應進解書籍知道了餘着該部議奏欽此欽遵於七

月十一日到部除各部事宜應聽各該部議覆外該臣等議得保和殿大學士衛 疏稱各省通誌宜修如天下山川形勢戶口丁徭地畝錢糧風俗人物疆圍險要宜彙集成帙名曰通誌誠一代之文獻也迄今各省尚未編修甚屬缺典何以襄我

皇上興隆盛治乎除河南陝西已經前撫臣賈漢復纂修進

呈外請

勅下直省各督撫聘集風儒名賢接古續今纂輯成書總發翰林院彙爲

大清一統誌等因前來查直隸各省通誌關係一代文獻

太平府志

文藝

上

丁

除河南陝西二省已經前撫臣賈漢復纂修進呈外其餘直隸各省通誌請

勅下各該督撫詳查山川形勢戶口丁徭地畝錢糧風俗人物疆圍險要照河南陝西通誌款式纂輯成書到部之日送翰林院彙爲

大清一統誌恭進

睿覽可也等因康熙十一年七月二十四日題本月二十

七日奉

旨依議欽此欽遵抄部送司奉此相應移咨案呈到

部移咨到院准此擬合就行爲此仰府官吏照牌備咨奉

旨內事理即便轉行所屬各縣將山川形勢戶口丁徭地畝錢糧風俗人物疆圍險要做照河南陝西二省通誌款式造成簿書呈送以憑咨送

禮部轉送翰林院彙進

睿覽毋得故違速須至牌者

康熙十一年閏七月二十二日

又牌爲遵

諭條奏事康熙十一年又七月十六日准 禮部咨移纂

修通誌應聘風儒名賢接古續今纂輯成書以憑彙送 內部隨經通行欽遵在案但事關一代文獻非可草率而成務必應聘真正風儒名賢秉公纂集庶

太平府志

文藝

四

十

無益之事不致濫載而果有關於風化地方人情之事無不備錄矣本院訪聞向來纂修府州縣志書常有勢豪之家多捏虛事而詳載其寒微之輩果有卑勒不朽者反多遺棄而不傳此皆在秉筆者之操權也今奉

旨纂造通誌又非泛常可比與其駁詰於事後不若先言於事前所有應聘風儒名流合亟檄查錄報以憑核奪爲此仰府官吏照牌事理即將纂修通誌應聘風儒名流是何姓名果否能持衡秉公文到該府即將姓名出身緣由先行錄報以憑核奪倘或濫舉匪人充數以致事跡顛倒失真查出責有所歸慎切慎切

須牌

康熙十一年十月三十日

江南安徽等處承宣布政使司徐 爲遵

諭條奏事閏七月十九日奉

總督部院麻

憲行康熙十一年閏七月十五日准

禮部咨題前事等因備行到司奉此除將原行抄粘外擬合就行爲此仰府官吏遵照

憲行奉

旨內事理速將該府屬詳查山川形勢戶口丁徭地畝錢糧風俗人物疆圍險要彙集成帙一樣三本彙送本司以憑照河南陝西通誌款式纂輯成書呈送

太平府志

文移

五

總督部院訂政咨送 禮部此係

欽件立有定限該府毋得泛視自取其咎速須稟

康熙十一年閏七月十四日

江南安徽徽甯池太廬鳳滁和廣等處提刑按察使司正堂加二級終 爲遵

諭條奏事案蒙

總督部院憲牌前事除全牌抄粘外合卽轉行爲此仰府官吏查照來文粘單事理卽便轉行所屬之縣將各屬山川形勢戶口丁徭地畝錢糧風俗人物疆圍險要依照河南陝西二省通誌款式造成簿書每二上簿呈送本司以憑轉送各憲各送 禮部轉送

翰林院彙進

唐覽文到卽速遵行毋得遲違未便須稟

康熙十七年閏七月二十四日

提督江南通省學政簡 爲遵

諭條奏事奉

總督部院麻

憲牌前事等因到道奉此擬合就行爲此牌仰該府官吏牌開

院行 部覆奉

旨內事理欽遵轉行所屬詳查山川形勢戶口丁徭地畝錢糧風俗人物疆圍險要該府彙集一樣二部送道以憑彙移 藩司纂輯轉送

太平府志

文移

六

總督部院核訂施行毋得遲延玩視慎速慎速須至牌者

康熙十一年八月初二日

整飭江南通省驛傳鹽法道按察使司副使加一級王 爲遵

諭條奏事康熙十一年閏七月十九日奉

總督部院麻 憲牌前事等因到道奉此合行查取爲此牌仰該府官吏遵照 憲行事理卽便轉行所屬詳查山川形勢戶口丁徭地畝錢糧風俗人物疆圍險要并本處東西至某處若干里詳悉確訂明晰彙集一樣三套字畫務要端楷不得草率差訛上緊呈